



SIARAN AKHBAR

S.A. 2021/03/51 (HQ)

TNB TERUS BANTU PELAJAR KELUARGA B40 MELALUI PROGRAM CERIA KE SEKOLAH

- Kelengkapan sekolah untuk sesi 2021 kurangkan tekanan perbelanjaan akibat kesan COVID-19
- 8,650 pelajar di Kelantan, Pulau Pinang dan Kedah dibantu
- Bantuan untuk pelajar negeri-negeri lain, menyusul

Tenaga Nasional Berhad (TNB) meneruskan program bantuan kelengkapan persekolahannya, Ceria ke Sekolah(CKS) yang sangat diperlukan pelajar sekolah rendah daripada keluarga B40 menerusi sumbangan untuk 8,650 orang pelajar di Kelantan, Pulau Pinang dan Kedah.

Sebahagian besar peruntukan untuk program Ceria Ke Sekolah itu telah diagihkan Pengerusi TNB, Dato' Seri Mahdzir Khalid untuk majlis penyerahan CKS peringkat negeri pada 28 Februari lalu di Kota Bharu, Kelantan; Georgetown, Pulau Pinang (3 Mac); dan Padang Terap, Kedah (7 Mac). Penyerahan sumbangan untuk negeri-negeri lain sedang diaturkan TNB bersama pihak yang berkenaan.

Sumbangan untuk ketiga-tiga negeri tersebut diserahkan Mahdzir menerusi Ahli Dewan Undangan Negeri, Ahli Parlimen dan pemimpin-pemimpin masyarakat dengan kos keseluruhan bernilai RM865,000 atau RM100 setiap pelajar. Jumlah tersebut adalah sebahagian dari peruntukan RM3 juta yang telah diluluskan untuk sumbangan CKS tahun ini.

“Bantuan ini diharap dapat mengurangkan tekanan keluarga yang kurang berkemampuan untuk melakukan persediaan anak-anak mereka ke sekolah, terutama berikutan kesan pandemik COVID-19,” kata Mahdzir.

“Sekurang-kurangnya, pelajar-pelajar yang dibantu dapat ke sekolah dengan kelengkapan serba baru untuk sesi persekolahan yang baru bermula bulan ini, tanpa membebankan ibu bapa mereka dan mereka akan lebih gembira untuk ke sekolah.

“Kita juga bekerjasama dengan pihak sekolah untuk mengenal pasti ibu bapa yang mempunyai anak yang ramai agar bantuan dapat diberikan. Kalau keluarga tersebut ada enam orang anak yang bersekolah, sekurang-kurangnya kita boleh bantu seorang atau dua orang daripada mereka,” tambahnya.

Sejak pelaksanaannya pada 2013, program Ceria Ke Sekolah telah membantu seramai 36,018 keluarga dengan jumlah sumbangan RM7.5 juta di Semenanjung Malaysia dan Sabah.

Dikeluarkan di Kuala Lumpur pada 12 Mac 2021, jam 10:30 pagi
*Untuk pertanyaan lanjut media, sila hubungi Fitri Majid 013-3626923 /
Grace Tan 016-6626229 / Nasir Aziz 018-9434524
atau emel kami: media@tnb.com.my*



Pengerusi Tenaga Nasional Berhad Dato' Seri Mahdzir Khalid (kiri) menyerahkan replika cek kepada bekas menteri di Jabatan Perdana Menteri Datuk Seri Jamil Khir Baharom bagi penyerahan sumbangan bantuan melalui Program "Ceria Ke Sekolah" tahun 2021 di PPD Padang Terap, Kedah 7 Mac 2021.